

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 422728 22 St
Datum: 29.06.2022. godine

Općinski sud u Tuzli, po stečajnom sudiji Ilvani Delić, u stečajnom postupku nad imovinom „**ALIĆ BAU**“ d.o.o. Živinice, ul. Kovačevići bb, donio je dana 29.06.2022. godine slijedeće

R J E Š E N J E

POZIVAJU SE: stečajni dužnik kao predlagač, povjerioci i sva zainteresovana lica da u roku od 30 (trideset) dana, od dana objave ovog rješenja u „Službenim novinama F BiH“, na žiro-račun Suda, broj: 132-100-03091233-91 NLB banka dd Sarajevo, predujme iznos od **4.000,00 KM (četirihiljadekonvertibilnihmaraka)**, na ime troškova stečajnog postupka.

Ukoliko nitko od pozvanih iz stava 1. ovog rješenja ne uplati navedeni iznos predujma u ostavljenom roku, sud će o prijedlogu za otvaranje stečajnog postupka odlučiti u skladu sa odredbama Zakona o stečajnom postupku.

Ovo rješenje bit će objavljeno u “Službenim novinama F BiH”, Oglasnoj ploči ovog suda i Web stranici suda-elektronskoj tabli suda.

O b r a z l o ž e n j e

Predlagač je dana 13.04.2022. godine podnio prijedlog za pokretanje stečajnog postupka nad stečajnim dužnikom „**ALIĆ BAU**“ d.o.o. Živinice, ul. Kovačevići bb. Dana 17.05.2022. godine pokrenut je prethodni postupak radi utvrđivanja uslova za otvaranje stečajnog postupka nad imovinom privrednog društva „**ALIĆ BAU**“ d.o.o. Živinice, ul. **Kovačevići bb**, a za privremenog stečajnog upravnika imenovan je Osman Šećerović iz Tuzle.

Nakon ročišta za ispitivanje uslova za otvaranje stečajnog postupka nad imovinom dužnika održanom dana 29.06.2022. godine te uvidom u izvještaj o provedenom prethodnom postupku i u svu naknadnu dostavljenu dokumentaciju od strane privremenog stečajnog upravnika sud je našao da obaveze prikazane u izvještaju privremenog stečajnog upravnika iznose 266.504,95 KM. Stečajni upravnik naveo je da je stvarne obaveze moguće utvrditi samo ukoliko se otvori stečajni postupak a na osnovu prijavljenih potraživanja. Uvidom u izvještaj utvrđeno je da društvo neraspolaže imovinom. Transakcijski računi društva su blokirani i na istima nema sredstava.

Sud je procijenio da imovina stečajnog dužnika, ne može pokriti troškove stečajnog postupka, pa temeljem odredbe čl. 102. st. 7. Zakona o stečaju, donio odluku kao u izreci. Naime, odredbom čl.102. st.6. Zakona o stečaju propisano je da stečajni sudija otvara stečajni postupak nad imovinom dužnika ako je prijedlog dopušten, ako postoji stečajni razlog i ako će imovina stečajnog dužnika prema predviđanju biti dovoljna za pokriće troškova stečajnog postupka. Ukoliko imovina stečajnog dužnika ne pokriva troškove postupka a prijedlog je

dopušten i osnovan stečajni sudija može otvoriti postupak ako zainteresovna osoba predujmi dovoljan novčani iznos za pokriće troškova.

Ovakvoj odluci ide u prilog i izvještaj privremenog stečajnog upravnika, koji je u skladu sa provedenim prethodnim postupkom našao da dužnik neće moći stvarati bilo kakvu stečajnu masu, niti će moći pokriti troškove stečajnog postupka, pa prema tome ovaj sud je osim stečajnog dužnika, pozvao predlagače, povjerioce i sva zainteresovana lica da izvrše uplatu predujma u visini od 4.000,00 KM radi finansiranja troškova stečajnog postupka temeljem odredbe čl. 102. st.7. Zakona o stečajnom postupku.

STEČAJNI SUDIJA
Ilvana Delić

POUKA O PRAVNOM LIJEKU:

Protiv ovog rješenja nije dozvoljena žalba.